



# 卷八十

冕服

衮冕

冕服

十二章之服

鷩冕

大裘而冕

書曰天命有德五服五章哉又曰予欲觀古人之象日

星辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

米黼若斧形黻為兩已相背色備曰繡周禮典絲凡祭祀共黼畫組就之物

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

大夫四命及其出封皆加一等其衣服亦如之

命其大夫三命其大夫再

命其大夫士

書名 禮書一百五十卷 宋刊元修本

撰者 宋 陳祥道 撰  
卷八十  
經 禮 三禮總義 宋  
貴重 3  
A259500

彩色首頁1

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影影像資料庫 原書號: 貴重: 8

漢籍善本文影影像資料庫 文本 禮書一百五十卷 宋刊元修本

版權所有: 東京大學 東洋文化研究所

使用上的注意事項


田獵

火田

田禽

射禽之儀

田獵



周禮大宰田役以馭其衆小宰田役之聽事聽師田以簡稽獸人掌田獸辨其名物時田則守罟及弊田令禽注于虞中凡田獸者掌其政令幕人田役共其帷幕幄帟綬掌次師田則張幕設重帟重案師田則張幕設次大司徒大田役以旗致萬民而治其徒庶之政令鄉師凡四時之田前期出田墮于州里簡其鼓鐸旗物兵器脩其卒伍及期以司徒之大旗致衆庶而陳之以旗物辨鄉邑而治其政令刑禁巡其前後之屯而戮其犯命者斷其爭禽之訟州長若國作民而師田行役之事則帥而致之掌其戒令與其賞罰黨正凡作民而師田行役則以其法治其政事族師若作民而師田行役則令其卒伍簡其兵器以鼓鐸旗物帥而至掌其治令戒禁刑罰縣師若將有軍旅會同田役之戒則受法于司馬以作其衆庶及三軍人之卒伍使時備法鼓兵器以帥而至遂人以歲時登其夫家之衆寡及其六畜車輦辨其老幼廢疾與其施舍者以頒職作事以令師田凡事致野役而師田作野民帥而至掌其政治禁令遂師軍旅田獵平野民掌其禁令比敘其事而賞罰縣正若將用野民師田行役移執事則帥而至治其政令稍人若有會同師田行役之事則以縣師之法作其同徒輦輦帥而至治其政令以聽於司馬山虞若大田獵則萊山田之野及弊田植虞旗于中致禽而珥焉澤虞若大田獵則萊澤野及弊田植虞旌以屬禽迹人凡田獵者受令焉大宗伯大田之禮簡衆也小宗伯若大甸則帥有司而饁獸于郊遂頒禽凡王之會同甸役之禱祠肆儀爲位肆師凡師田用牲于社宗則爲位凡四

時之大甸獵祭表貉則為位彌之日涖卜來歲之戒司  
凡筵甸役則設熊席右絜凡司服凡甸冠弁服甸祝掌  
四時之田表貉之祝號師甸致禽于虞中乃屬禽及郊  
饕獸舍奠于祖禰巾車木路前樊鵠纓建大麾以田司  
常凡軍事建旌旗及致民置旗弊之甸亦如之大司馬  
中春教振旅司馬以旗致民平列陳如戰之陳辨鼓鐸  
錡鏡之用遂以蒐田有司表貉誓民鼓遂圍禁火弊獻  
禽以祭社中夏教芟舍如振旅之陳遂以苗田如蒐之  
法車弊獻禽以享初中秋教治兵如振旅之陳遂以彌田  
如蒐田之法羅弊致禽以祀祊中冬教大閱前期羣吏  
戒衆庶脩戰灋虞人萊所田之野為表百步則一為三  
表又五十步為一表田之日司馬建旗于後表之中羣  
吏以旗物鼓鐸錡鏡各帥其民而致奠明弊旗誅後至

者乃陳車旒如戰之陳皆坐群吏聽誓于陳前斬牲以  
左右徇陳曰不用命者斬之中軍以鼙令鼓鼓人皆三鼓  
司馬振鐸群吏作旗車徒皆作鼓行鳴錡車徒皆行及表  
乃止三鼓擁鐸群吏弊旗車徒皆坐又三鼓振鐸作旗  
車徒皆作鼓進鳴錡車驟徒趨及表乃止坐作如初乃  
鼓車馳徒走及表乃止鼓戒三闕車三發徒三刺乃鼓  
退鳴鏡且卻及表乃止坐作如初遂以狩田以旌為左  
右和之門群吏各帥其車徒以敘和出左右陳車徒有司  
平之旗居卒間以分地前後有屯百步有司巡其前後  
險野人為圭易野車為圭既陳乃設驅逆之車有司表  
貉于陳前中軍以鼙令鼓鼓人皆三鼓群司馬振鐸車徒  
皆作遂鼓行徒銜枚而進大獸公之小禽私之獲者取  
左耳及所弊鼓皆賦車徒皆課徒乃弊致禽饕獸于郊

入獻禽以享烝田僕掌馭田路以田以鄙掌佐車之政  
設驅逆之車令獲者植旌及獻比禽凡田王提馬而走  
諸侯晉大夫馳司弓矢殺矢鏃矢用諸近射田獵曲禮  
曰國君春田不圍澤大夫不掩群士不取麇郊王制曰  
天子諸侯無事則歲三田一為乾豆二為賓客三為充  
君之庖三田者夏不田蓋夏時也無事而不田曰不務田不以禮曰暴  
殄天物天子不合圍諸侯不掩群天子殺則下大綏諸侯  
殺則下小綏大夫殺則止佐車佐車止則百姓田獵獺  
祭魚然後魚入澤梁豺祭獸然後田獵鳩化為鷹然後  
後設罝羅草木零落然後入山林昆蟲未蟄不以火田  
不麝不卵不殺胎不妖天不覆巢季春之月田獵罝罟不  
殺胎罝罟獸之藥罝九門罝夏之罝罟大田罝罟季

僕及七駟咸駕載旌旒授車以級整設于屏外屏外  
司徒播朴北面誓之天子乃厲飾執弓挾矢以獵禮記  
命主祠祭禽于四方郊特牲季春出火為焚也然後  
簡其車賦歷其卒伍而君親誓社以習軍旅左之右之

坐之起之以觀其習變而流示之禽而鹽諸利以觀其  
不犯命也求服其志不貪其得大羅氏天子之掌鳥獸  
者也諸侯之貴屬焉草立而至尊野服也羅氏致與  
女而詔客告也以戒諸侯曰好田好女者亡其國仲尼  
燕居曰以之田獵有禮故戎事閑也大叔于田曰叔在  
藪火列真阜還刺荒也哀公好田獵從禽獸而無厭盧  
令刺荒也襄公好田獵畢弋而不修民事駟鐵美襄公  
也始命有田仲尼之事詩曰公曰左之舍拔則獲左之者從  
之也舍拔則獲幽詩曰一之日于貉取彼狐狸為公子裘二

獲信公美射

之日其同載績武功言私其縱獻豸于公大獸公之車攻

詩曰徒御不驚大庖不盈不驚之也不盈之也一日乾豆二日賓客

為上殺射右耳季次之射左膝達于右膝下殺面傷不獻踐毛不獻不

成會不獻禽魚多擇三十焉其餘以與大夫士以習射於澤官田金得禽

射不中不得取禽田金不得禽射中則吉日美宣王田也吉日維

戊既伯既禱日也吉日庚午既差我馬外事以剛公羊相

四年春公狩于郎狩者何田狩也春曰苗苗毛也明信毛

曰蒐蒐簡擇也簡擇冬曰狩狩猶獸也冬時禽獸長諸侯曷

為必田狩一曰乾豆一者第一之射也自左際射之達于右腸二曰

賓客二者第二之殺也自左際射之達三曰充君之庖三者第三

於右際遠心死難故以多賓客莊四年冬公及齊人狩于郕

公為與微者狩齊侯也齊侯則其稱人何諱與讎狩也穀梁

相四年春公狩于郎四時之田皆為宗廟之事也春曰

田夏曰苗秋曰蒐冬曰狩四時之田用三焉唯其所先

得一為乾豆二為賓客三為充君之庖昭八年秋蒐于

紅正也因蒐狩以習用武事禮之大者也艾蘭以為防

置旂以為轅門以葛覆質以為繫流旁握御轡者不得

入車軌塵馬候蹄揜禽旅御者不矢其馳然後射者能

中過防弗逐不從奔之道也面傷不獻不成禽不獻禽

雖多天子取三十焉其餘與士眾以習射於射宮射而

中田不得禽則得禽田得禽而射不中則不得禽是以

知古之貴仁義而賤勇力也

春秋傳曰惟君用鮮眾給而已是天子諸侯有四時  
田獵之禮大夫士不與焉飲鄭豐卷將祭請田而子  
產止之周官四時之田春蒐以教振旅夏苗以教芟  
舍秋獮以教治兵冬狩以教大閱鄉師於凡田前期

出田法于州里簡其兵器修其卒伍山虞萊山田之  
野澤虞萊澤野而大閱之禮為表百步則一表為三  
表又五十步為一表田之日司馬建旗于後表之中  
群吏以旗物帥民而致質明弊旗誅後至也群吏聽  
誓于陳前教以坐作進退之節遂以狩田以左為左  
右和之門群吏各帥其車徒以敘和出左右陳車徒  
有司平之既陳乃設驅逆之車有司表貉于陳前中  
軍以鼙令鼓銜枚而進獲者取左耳然則虞人所萊  
之野穀梁所謂艾蘭以為防是也毛氏曰艾草以為防以旌為左  
右和之門穀梁所謂置旗旂以為轅門葛覆質以為  
繫是也毛氏曰葛質以為其去田也教戰於此及田則驅  
禽以入天子登諸侯登然後大夫諸侯登

司而饁獸于郊遂頒禽則饁獸于郊者月令所謂既  
田命祠祭禽四方是也頒禽詩傳及穀梁所謂擇取  
三十焉其餘以予大夫士是也田之服則冠弁服車  
則木路旗則大麾弓則夾弓庾弓矢則鏃矢殺矢其出  
也用牲于社宗而載之行其止也張幕設重帟重案而  
於是臨誓先王之於田宜社造廟祭馬祖繼之以饁  
于郊慎之至也詩傳言天子諸侯發則抗大綏小綏  
殺之時也王制言下大綏小綏既殺之時也曲禮國  
君春田不圍澤大夫不掩群諸侯在國之禮也王制  
天子不合圍諸侯不掩群諸侯從王蒐之禮也周官  
司服凡田冠弁服月令季秋天子乃厲飾蓋周秦之  
禮異也

火田

周禮司燿季春出火季秋納火司烜氏中春以木鐸修火  
禁于國中司馬中春蒐田火弊獻禽王制曰昆蟲未蟄  
不以火田郊特牲曰季春出火為焚也月令仲春之  
月毋焚山林爾雅曰火田為狩春秋傳曰古之火正  
或食於心或食於味以出納火是故味為鶉火心為  
大火鄭鑄刑鼎士文伯曰火未出而作火鄭其有災  
乎仲尼曰火伏而後蟄者畢蓋建辰之月鶉火見於  
南方則令民出火所謂季春出火是也建成之月火  
伏於日下故令民納火所謂季秋納火是也司燿仲  
春修火禁以火未出而不可以作火故也王制昆蟲  
未蟄不以火田以火伏而後蟄者畢故也然孟春啓  
蟄而周禮中春之田有火弊者焚圃草以田可也焚  
山林以田不可也月令仲春禁焚禮也郊特牲季春

火氏之所用者歟

田禽 五牲

庖人掌共六畜六禽辨其名物春秋傳言六畜五牲  
以奉五味昭鄭司農云六獸麋鹿熊麋野豕兔六禽  
鴈鶉鷄雉鳩鴿鄭成謂獸人冬獻狼夏獻麋又四  
則無熊則六獸當有狼而熊不屬六禽於禽獻及六  
擊宜為羔豚犢麋雉鴈杜預曰五牲麋鹿狼麋兔考  
之於詩曰一發五犯一發五縱並驅從兩肩並驅從  
兩狼言私其縱獻豸于公獸之所同鹿麋麋發彼  
小豝豝此大兒爾雅曰豕生三豝豝曰豝內則有鹿脯  
田豕脯麋脯麋鹿田豕麋皆有軒雉兔皆有豝又曰  
麋鹿魚為注膚為辟雞野豕為軒兔為宛脾軒辟雞兔  
脾皆雜類



少儀麋鹿為菹野豕為軒皆聶而不切麕為辟雞  
兔為宛脾皆聶而切之特內則八珍有狼臠膏則六  
獸當有狼而熊如康成之說五牲當有野豕非如杜  
氏之論也

禽之儀



射法曰逐禽左秦詩曰公曰左之則禽之入防虞  
祀奉厥牲而御者從左以逐之君從左以射之詩  
悉率左右以燕天子則亦驅左右之禽以趨於右  
傳曰自左膘而射之達于右膈為上殺射右耳本  
之射左膘達于右散為下殺面傷不獻踐毛不獻  
成禽不獻禽雖多擇三十焉其餘以與大夫士以  
射於澤宮蓋中心而死速者上殺也以為乾豆遠  
而死緩者次殺也以待賓客中腸胃汗泡而死尤  
者下殺也以充君庖面傷不獻為誅降也不成禽  
獻為殄天也擇取三十每禽擇三十而乾豆賓客  
庖各十也考之於禮鷩醢在豆脯腊在籩則乾物  
施於豆矣言乾豆者周官腊人凡祭祀共豆脯薦脯  
孔穎達謂豆實有先脯之然後漬於理或然

禮書卷第八十終

禮書卷第八十一

左宣義即太常博士陳

祥道進

朝門之位

旅次


刀次

朝踐之儀

饋食之儀

加爵之儀

大夫廟門之位



面請期

却氏曰大夫不西面者

祭日主人南面視殺

饗特牲牲饗在廟門外東南魚脯饗在其南

鼎少牢羊八陳鼎五三鼎在羊饗西二鼎在

筮日史東面受命

記曰卜郊于禰宮又曰君致齋於外夫人致

齋於內然後會早太廟則人君筮與祭日

不在朝門矣大夫士與助祭者執刀不相遠致

於朝門之外以見之